



# LAPORAN LIPUTAN MEDIA

RABU / 20 MAC 2024



Disediakan Oleh :  
Cawangan Komunikasi Korporat

# TAJUK BERITA

1. HARGA BERAS PUTIH IMPORT DITURUNKAN RM2 HINGGA RM3 - UTUSAN MALAYSIA
2. KEMARAU : PESAWAH RUGI RM50,000 - UTUSAN MALAYSIA
3. 4 INISIATIF ATASI ISU KEKURANGAN BERAS - BERITA HARIAN
4. HARGA IMPORT TURUN RM2-RM3 - BERITA HARIAN
5. 2,6,30 PESAWAH DI KELANTAN TERJEJAS AKIBAT KEMARAU - BERITA HARIAN
6. KAJI AKTA SEKAT WARGA ASING SEWA TANAH, USAHAKAN LADANG PERTANIAN - BERITA HARIAN
7. HARGA BERAS PUTIH IMPORT TURUN MULAI HARIINI - SINAR HARIAN
8. 200 HEKTAR SAWAH ROSAK! - HARIAN METRO
9. KERAJAAN STRUKTUR SEMULA INDUSTRI PADI, BERAS NEGARA - KOSMO

## Dalam Negeri

Semua stok semasa padi tempatan dipasarkan serta-merta

# Harga beras putih import diturunkan RM2 hingga RM3

Oleh MAISARAH SHEIKH RAHIM  
maisarah.rahim@mediamulia.com.my

**PUTRAJAYA:** Kerajaan memutuskan untuk melaraskan Harga Beras Putih Import (BPI) dengan menurunkan harga jualan runcit di antara RM2 hingga RM3 di pasaran bagi pek 10 kilogram berkuat kuasa hari ini.

Menteri Pertanian dan Keterjaminan Makanan, Datuk Seri Mohamad Sabu berkata, keputusan itu dimuktamadkan melalui Mesyuarat Majlis Tindakan Sara Hidup Negara (NACCOL) semalam bagi meningkatkan akses rakyat kepada bekalan beras pada harga yang munasabah.

Mesyuarat berkenaan yang dipengerusikan Perdana Menteri, Datuk Seri Anwar Ibrahim turut memutuskan supaya semua

stok semasa padi dan beras yang dibeli oleh pengilang berjumlah 140,000 tan metrik dapat diproses dan dikeluarkan untuk kegunaan pasaran tempatan dengan serta-merta.

Langkah itu untuk meningkatkan pengedaran beras putih tempatan (BPT) bagi menangani isu kekurangan bekalan di pasaran susulan pelarasan harga BPI oleh BERNAS pada 1 September 2023.

"Justeru, kementerian akan meningkatkan penguatkuasaan melalui Kawalselia Padi dan Beras (KPB) di seluruh negara.

"Dalam meluaskan jaringan pengedaran beras putih tempatan, aktiviti Jualan Agro Madani yang dilaksanakan oleh Lembaga Pemasaran Pertanian Persekutuan (FAMA) dan Lembaga Pertubuhan Peladang (LPP) akan diperluaskan

dari segi lokasi dan peningkatan kekerapan program," katanya di sini, semalam.

Pada masa sama, Mohamad berkata, kerajaan turut bersetuju agar semua kontrak kerajaan mengguna pakai sepenuhnya BPI.

Sehubungan itu, melalui kedadah ini, bekalan tambahan BPT sebanyak 20,000 tan metrik dapat diedarkan sepenuhnya di pasaran pada April depan.

"Kerajaan optimis inisiatif ini dapat membantu rakyat mengurangkan kos sara hidup terutamanya semasa bulan Ramadan dan musim perayaan yang bakal menjelang.

"Kesemua langkah ini akan dapat meningkatkan ketersediaan bekalan beras kepada rakyat melalui jualan BPI pada harga yang

lebih rendah serta pertambahan BPT di pasaran," katanya.

Dalam pada itu, menurut beliau, kementeriannya juga akan meneruskan perbincangan bersama semua pemegang taruh untuk memperhalusi pelan tindakan jangka panjang bagi struktur kos pengeluaran beras yang lebih realistik.

Ini bagi memastikan industri padi dan beras adalah mampan terutamanya dalam menjaga kepentingan dan kebaikan pesawahan serta meningkatkan produktiviti pengeluaran beras negara.

"Keputusan ini mencerminkan komitmen utuh Kerajaan Madani dalam menjaga kebaikan rakyat dan seterusnya memperkuatkan agenda keterjaminan makanan negara," katanya.

**Dalam Negeri**



ABDUL Halim Abu Bakar (kanan) bersama seorang lagi petani melihat sawah padi yang merekah disebabkan kemarau di bendang Pingu Bechah Semak, Pasir Mas, Kelantan. - UTUSAN/ROHANA ISMAIL

## Kemarau: Pesawah rugi RM50,000

Oleh ROHANA ISMAIL  
[utusannews@mediamulia.com.my](mailto:utusannews@mediamulia.com.my)

**PASIR MAS:** Enam pesawah mendakwa mengalami kerugian RM50,000 selepas 20 hektar padi yang diusahakan mereka musnah apabila kawasan bendang kering akibat kemarau seminggu lalu.

Tinjauan *Utusan Malaysia* mendapati selain sawah yang merekah akibat ketidaktahanan bekalan air, tumbesaran padi turut terbantut.

Seorang petani, Ismail Mat Yusof, 49, berkata, jika masalah tersebut berterusan, kemungkinan besar padi yang ditanamnya hanya mampu bertahan seminggu lagi.

Menurutnya, para petani di sini sudah sebaiknya berusaha untuk menyelamatkan tanaman itu dengan menyedut air

dari kawasan berlopak. "Bagaimanapun usaha tidak banyak membantu disebabkan cuaca panas dan kering," katanya.

Sementara itu, Ketua Unit Peladang Bechah Semak, Abdul Halim Abu Bakar memberitahu, ketidaaan kemudahan sistem pengairan yang baik menyebabkan sawah menjadi kering setiap tahun.

Katanya, pada masa sama, bekalan air sukar sampai ke kawasan itu kerana jaraknya terlalu jauh.

"Musim kemarau sawah keriting, musim tengkujuh pula padi ditenggelami banjir. Itu yang dihadapi petani setiap tahun."

"Sebagai mewakil petani, saya harap Lembaga Kemajuan Pertanian Kembo(u) (KADA) dapat mengambil segera dalam menyelesaikan perkara ini," ujarnya.

**BUMI-L RUMAH B ATAS LOT 1 DAE**

**\*BUMI-LOT DISK**

\* Urusan pembeli Lot Bumi perlu erumah.johor.gov.my  
No. Fail : PKP.J.608/09  
Telefon: 07-2666260 / 07

Pemaju :  
**IDEALTAGE DEVELOPMEN**  
No. 14A, Jalan Puncak  
Pusat Perniagaan Pantai  
Parit Bakar, 84010 Mu

Mr. Nathan (HP: 017-

Rabu, 20 Mac 2024 | 9 Ramadan 1445 | Tel: 1300 22 6787 | PP 414/10/2012 (030686) | RM2

**Wadah Pembaharuan**  
**BH**  
**BeritaHarian**

Diterbit sejak 1957 [www.bharian.com.my](http://www.bharian.com.my)

**Isu stoking kalimah Allah**  
Agong murka,  
titah tindakan  
sekeras-kerasnya

**Nasional 5**

**Isu kekurangan bekalan beras**

# Harga beras import turun RM2-RM3

• Kerajaan umumkan harga Beras Putih Import (BPI) turun antara RM2 hingga RM3 mulai hari ini

• Semua kontrak kerajaan akan menggunakan sepenuhnya BPI membolehkan tambahan 20,000 tan Beras Putih Tempatan diedarkan di pasaran mulai April

Oleh Mohd Nasaruddin Parzi dan Fahmy A Rosli → Nasional 3

• Pengilang diarah proses serta merta 140,000 tan padi yang sudah dibeli untuk pasaran tempatan

• Aktiviti jualan Agro MADANI oleh FAMA dan LPP akan diperluas dari segi lokasi dan kekerapan program


Kadar hutang isi rumah meningkat setiap tahun sejak 2018 Nasional 4

Pemuda UMNO minta tindakan tegas banteras warga asing kuasai industri sayur

Nasional 8

Fenomena El-Nino jejas kawasan peranginan sekitar Yan, air terjun Seri Perigi setinggi 100 meter kering

Nasional 14



BH Rabu, 20 Mac 2024

Nasional

3

# 4 inisiatif atasi isu kekurangan beras

Harga Beras Putih Import turun, perluas aktiviti jualan Agro MADANI antara langkah disetujui

Oleh Mohd Nasaruddin Parzi  
bhnews@bh.com.my

**Kuala Lumpur:** Kerajaan semalam mengumumkan empat inisiatif untuk mengatasi isu kekurangan beras dalam pasaran.

Keputusan itu dibuat dalam Mesyuarat Majlis Tindakan Sara Hidup Negara (NACCOL) Bil 1/2024 yang dipengerusikan Perdana Menteri, Datuk Seri Anwar Ibrahim di sini, semalam.

Antara keputusan dicapai, kerajaan bersetuju supaya harga jualan runcit Beras Putih Import (BPI) diturunkan antara RM2 hingga RM3 di pasaran berkuat kuasa hari ini.

"Bagi meningkatkan akses rakyat kepada bekalan beras pada harga yang munasabah, kerajaan melalui mesyuarat NACCOL bersetuju supaya penurunan harga jualan runcit BPI di antara RM2 hingga RM3 di pasaran dilaksanakan berkuat kuasa pada Rabu, 20 Mac 2024.

"Kerajaan optimis inisiatif ini dapat bantu rakyat kurangkan kos sara hidup terutamanya semasa bulan Ramadan dan musim perayaan yang bakal menjelang," kata Menteri Pertanian dan Keterjaminan Makanan (KPKM), Datuk Seri Mohamad Sabu dalam kenyataan petang semalam.

Kementerian itu turut mengumumkan bagi meningkatkan pengedaran Beras Putih Tempatan



Anwar mempengerusikan Mesyuarat Majlis Tindakan Sara Hidup Negara (NACCOL) Bil 1/2024 di Kuala Lumpur, (Foto ihsan Pejabat Perdana Menteri)

(BPT) di pasaran, kerajaan memutuskan supaya semua stok semasa padi dan beras yang telah dibeli oleh pengilang berjumlah 140,000 tan diproses dan dikeluarkan untuk kegunaan pasaran tempatan dengan serta merta.

Langkah lain, kerajaan turut bersetuju semua kontrak kerajaan menggunakan pakai sepenuhnya BPI, sekali gus membolehkan bekalan tambahan BPT sebanyak 20,000 tan dapat diedarkan sepenuhnya di pasaran mulai bulan depan.

## Jualan MADANI diperluas

Dalam meluaskan jaringan pengedaran BPT, aktiviti Jualan

Agro MADANI yang dilaksanakan oleh Lembaga Pemasaran Pertanian Persekutuan (FAMA) dan Lembaga Pertubuhan Peladang (LPP) juga akan diperluaskan dari segi lokasi dan peningkatan kekerapan program.

KPKM memberi jaminan akan meningkatkan penguatkuasaan melalui Kawalselia Padi dan Beras (KPB) di seluruh negara bagi memastikan semua inisiatif diumum dilaksanakan sepenuhnya.

"Sesungguhnya keputusan ini mencerminkan komitmen utuh kerajaan dalam menjaga kebaikan rakyat dan seterusnya memperkuatkan agenda keterjaminan makanan negara.

"Semua langkah ini akan dapat meningkatkan ketersediaan bekalan beras kepada rakyat melalui jualan BPI pada harga yang lebih rendah serta pertambahan BPT di pasaran.

"KPKM juga akan meneruskan perbincangan bersama semua pemegang taruh untuk memperhalusi pelan tindakan jangka panjang bagi struktur kos pengeluaran beras yang lebih realistik untuk memastikan industri padi dan beras adalah mampan.

"Ia terutamanya dalam menjaga kepentingan dan kebaikan pesawat serta meningkatkan produktiviti pengeluaran beras negara," katanya.

# 2,630 pesawah di Kelantan terjejas akibat kemarau

**Kota Bharu:** Seramai 2,630 pesawah di Kelantan terjejas akibat ketiadaan air berikutan musim kemarau yang melanda ketika ini.

Pengerusi Lembaga Kemajuan Pertanian Kemubu (KADA), Muhammad Husin, berkata mereka termasuk pesawah di tiga kawasan Pejabat KADA Jajahan (PKJ) membabitkan Kota Bharu Utara, Kota Bharu Selatan dan Bachok yang terjejas teruk.

Selain itu, beliau berkata, sebilangan kecil pesawah di kawasan PKJ Tumpat, Pasir Mas dan Pasir Putih turut terjejas.

“Pesawah berkenaan terpaksa mendapatkan bekalan air dari sumber telaga tiub di bendang, terutama bagi kawasan yang tidak mempunyai sumber

air alternatif.

“Selain itu, pihak KADA juga memasang beberapa pam sokongan di kawasan sungai yang berhampiran,” katanya ketika dihubungi.

## Alami kerugian tinggi

Terdahulu, lebih 50 pesawah yang mengusahakan tanah padi seluas lebih 200 hektar di Kampung Aur Duri, di sini, dilaporkan buntu apabila sebahagian besar tanaman berkenaan rosak akibat ketiadaan air berikutan musim kemarau kini.

Pesawah terbabit mendakwa sebahagian besar tanaman padi yang diusahakan mereka sejak Disember lalu itu mulai rosak sejak dua minggu lalu, manakala



Pesawah menunjukkan tali air yang kering kontang akibat kemarau di Kampung Aur Duri, di Pasir Putih, semalam.

(Foto Nik Abdullah Nik Omar/BH)

sebahagian lagi hanya mampu bertahan seminggu, menyebabkan masing-masing kerugian puluhan ribu ringgit.

Mengulas lanjut, Muhammad berkata, antara usaha jangka pendek KADA bagi menangani isu berkenaan ialah menyediakan sejumlah peruntukan bagi pembinaan telaga tiub.

Selain itu, beliau berkata, KADA juga membekalkan *backward pump*, pam mudah alih dan bantuan diesel bagi kegunaan petani di kawasan yang dilanda bencana kemarau.

“KADA juga sudah membina pam-pam sokongan di kawasan yang mempunyai sumber air,” katanya.

**MindaPembaca**

# Kaji akta sekat warga asing sewa tanah, usahakan ladang pertanian

**M Faisal,**  
Kuala Lumpur

**Isu** warga asing mengusahakan sendiri tanah pertanian kerap mendapat liputan khas pihak media massa. Hal ini menunjukkan keseriusan perkara yang tidak sepatutnya berlaku, namun sudah melerat hampir seluruh Semenanjung.

Pada awalnya pekerja asing terpaksa dibawa masuk berikutan kekurangan tenaga kerja dalam sektor pertanian. Namun, isu ini masih tidak selesai, malah timbul pula masalah baru apabila pekerja asing bertindak menjadi usahawan tani sehingga mengancam periuk nasi petani tempatan.

Warga asing tidak hanya menceroboh tanah kerajaan, malah turut menyewa tanah penduduk. Membarkan warga asing berstatus pemegang Pas Lawatan Kerja Sementara (PLKS), termasuk PLKS sektor pertanian mengusahakan sendiri kebun sayur dengan menyewa tanah adalah tidak sihat untuk sekuriti makanan negara dalam jangka masa panjang.

Selain itu, jika perkara sebegini dibenarkan berleluasa besar kemungkinan mereka tidak akan balik ke negara asal lagi kerana ada pendapatan tetap hasil kebun sayur.

Penguasaan warga asing terhadap ekosistem bekalan sayur sehingga membentuk kartel juga boleh menyebabkan mereka rasa kebal undang-undang walaupun melanggar peraturan imigresen kerana mungkin beranggapan pihak berkuasa serba salah untuk bertindak kerana boleh menjaskan bekalan sayur. Malah sekarang juga sudah ada warga asing dilaporkan terbabit dalam bidang penternakan seperti berlaku di Selangor.

Sama seperti undang-undang anti-Ali Baba, kerajaan diminta mengkaji undang-undang dan pe-

raturan bagi menyekat warga asing tidak kira sama ada pemegang PLKS, penduduk tetap (PR) atau berstatus pelarian daripada kalangan etnik Rohingya daripada menyewa tanah milik rakyat untuk mengusahakan sendiri kebun sayur. Kerajaan negeri mungkin boleh mengenakan sekat kepada geran pertanian bagi mengelak tanah disewa kepada warga asing.

**Kerjasama rentas agensi**

Selain itu, kerajaan perlu mengkaji kesesuaian negara sumber bagi membekalkan pekerja untuk sektor pertanian, terutama dari Bangladesh yang kerap dilaporkan terbabit dalam aktiviti mengusahakan sendiri tanah pertanian. Ini bagi memastikan pekerja asing diambil untuk sektor ini benar-benar bekerja dengan petani tempatan.

Kerjasama rentas agensi kerajaan negeri dan Pusat, termasuk Majlis Keselamatan Negara (MKN), Angkatan Tentera Malaysia (ATM) dan Polis Diraja Malaysia (PDRM) amat diperlukan seperti yang pernah dilaksanakan di Cameron Highlands sebelum ini bagi mengesan dan mengambil tindakan terhadap warga asing yang menceroboh tanah kerajaan dan hutan simpan untuk dijadikan kebun sayur.

Pihak berkuasa perlu adil kerana jika peneroka rakyat tempatan yang menceroboh tanah kerajaan boleh dikenakan tindakan dan tidak ada sebab warga asing dibiar terlepas begitu sahaja.

Kementerian Pertanian dan Keterjaminan Makanan (KPKM) diharap meluaskan lagi program geran agropreneur muda bagi menggalakkan generasi baharu menyertai sektor ini sebagai pererus legasi petani terdahulu dan mengurangkan kebergantungan kepada warga asing.

Pengenalan teknologi terkini seperti penggunaan dron, sistem fertigasi moden, internet pelbagai benda (IoT) dapat menjadi daya penarik kepada golongan belia menyertai sektor pertanian.



\*\*  
**8** NASIONAL  
 SINAR HARIAN • RABU 20 MAC 2024


Jangkaan harga runcit BPI turun ke RM35 untuk pek 10kg

**PUTRAJAYA**

**H**arga jualan runcit beras putih import (BPI) turun antara RM2 hingga RM3 di pasaran berkuat kuasa hari ini, menurut Kementerian Pertanian dan Keterjaminan Makanan (KPKM).

Pada masa ini harga runcit BPI di pasaran dijual sekitar RM38 hingga RM45 untuk pek 10 kilogram dan dengan pengumuman pelarasan harga baharu, jangkaan harga runcit BPI turun ke RM35 untuk pek yang sama.

Menteri Pertanian dan Keterjaminan Makanan, Datuk Seri Mohamad Sabu dalam kenyataan pada Selasa berkata, keputusan itu yang dimuktamadkan melalui Mesyuarat Majlis Tindakan Sara + Hidup Negara (NACCOL), dibuat bagi menangani isu kekurangan Beras Putih Tempatan (BPT) di pasaran susulan pelarasan harga BPI oleh Bernas pada 1 September lepas.



MOHAMAD

diproses dan dikeluarkan untuk kegunaan pasaran tempatan dengan serta-merta.

Justeru KPBM akan meningkatkan penguatkuasaan melalui Kawal Selia Padi dan Beras (KPB) di seluruh negara.

“Sehubungan itu bagi meningkatkan akses rakyat kepada bekalan beras pada harga yang munasabah, kerajaan melalui Mesyuarat NACCOL bersetuju supaya penurunan harga jualan runcit BPI antara RM2 hingga RM3 di pasaran dilaksanakan.

“Kerajaan optimis inisiatif ini dapat membantu rakyat mengurangkan kos sara hidup terutamanya semasa Ramadan dan musim perayaan yang bakal menjelang,” katanya.

Selain itu, Mohamad berkata, bagi meningkatkan pengedaran BPT di pasaran, kerajaan memutuskan supaya semua stok semasa padi dan beras yang telah dibeli oleh peningilang berjumlah 140,000 tan metrik

tan metrik dapat diedarkan se-penuhnya di pasaran pada April ini.

Menurut Mohamad, kerajaan turut bersetuju agar semua kontrak kerajaan menggunakan sepenuhnya BPI.

Malah kaedah itu bekalan tambahan BPT sebanyak 20,000



Pada masa ini harga runcit BPI di pasaran dijual sekitar RM38 hingga RM45 untuk pek 10 kilogram dan dengan pengumuman pelarasan harga baharu, jangkaan harga runcit BPI turun ke RM35 untuk pek yang sama.

Dalam meluaskan jaringan pengedaran BPT, aktiviti Jualan Agro Madani yang dilaksanakan oleh Lembaga Pemasaran Pertanian Persekutuan (FAMA) dan Lembaga Pertubuhan Peladang (LPP) akan diperluaskan dari segi lokasi dan peningkatan kekerapan program,” katanya.

“Kesemua langkah ini akan dapat meningkatkan ketersediaan bekalan beras kepada rakyat melalui jualan BPI pada harga yang lebih rendah serta pertambahan BPT di pasaran,” katanya.

Beliau berkata, dalam masa yang sama, KPBM juga akan meruskan perbincangan bersama semua pihak berkepentingan untuk memperhalusi pelan tindakan jangka panjang bagi struktur kos pengeluaran beras yang lebih realistik.

Menurutnya ini bagi memastikan industri padi dan beras adalah mampu terutamanya dalam menjaga kepentingan dan kebijakan pesawahan serta meningkatkan produktiviti pengeluaran beras negara.

“Sesungguhnya keputusan ini mencerminkan komitmen utuh Kerajaan Madani dalam menjaga kebijakan rakyat dan memperkuuhkan agenda ke-tjaminan makanan negara,” katanya. - Bernama

# 200 hektar sawah rosak!

*Pesawah berdepan kerugian hingga puluhan ribu setiap seorang*

Oleh Nor Fazlina Abdul Rahim  
nfazlina@NSTP.com.my

**Pasir Mas**

Lebih 50 pesawah membatikan tanah padi seluas lebih 200 hektar di Kampung Aur Duri, di sini, buntu apabila sebahagian besar sawah padi yang diusahakan rosak akibat ketiadaan air berikut musim kemarau.

Mereka mendakwa, sebahagian besar padi yang diusahakan Disember lalu mulai rosak sejak dua minggu lalu, manakala sebahagian lagi hanya mampu bertahan seminggu sahaja.

Lebih malang, impian pesawah berkenaan yang mahu mengaut keuntungan juga tidak kesampaian, sebaliknya berdepan kerugian puluhan ribu ringgit setiap seorang.

Tinjauan di kawasan berkenaan, mendapati tanah sawah di lokasi berkenaan kering dan merekah, manakala tali air yang

menjadi punca air mereka juga kering kontang.

Lokasi sawah berkenaan tidak sampai satu kilometer (km) dari Sungai Kelantan dan terdapat juga pam Lembaga Kemajuan Pertanian Kemubu (Kada) di Sungai berkenaan, namun penduduk mendakwa air tidak sampai ke sawah mereka.

Pesawah, Rasul Zulkifli, 26, berkata situasi yang berlaku sangat mengecewakan kerana sudah tiga musim berturut-turut dia mengalami kerugian akibat musim kemarau.

"Saya mengusahakan sawah seluas enam hektar dan hampir keseluruhan sudah rosak. Tinggal sebahagian kecil sahaja masih selamat namun hanya mampu bertahan seminggu sahaja lagi.

"Saya bantu, modal dikeluarkan membabitkan puluhan ribu, beberapa ekor lembu juga sudah dijual kerana mahu dijadikan modal padi dengan harapan mampu memperoleh keuntungan.

"Namun sebaliknya yang berlaku apabila saya berdepan kerugian dan modal

pun lebur, macam mana nak bayar hutang dengan Agrobank pun saya tidak tau," katanya ketika ditemui di sini.

Bapa kepada seorang cahaya mata itu turut meluahkan rasa kesal kepada Kada apabila disifatkan gagal menyelesaikan masalah yang berlaku menyebabkan pesawah berdepan kerugian.

"Sepatutnya Kada sedar setiap tahun berlaku musim kemarau dan sudah ada langkah proaktif yang perlu dilakukan.

"Kita juga akui musim kemarau namun lokasi sawah kami begitu dekat dengan Sungai Kelantan dan air di sungai berkenaan masih banyak, kenapa tidak dapat diambil pada akhir bulan depan.

Rakannya, Mohd Arif Mat Ghani, 30, yang mengusahakan sawah seluas 28 hektar sejak 15 tahun lalu berbuka, dia berdepan kerugian hampir RM80,000 sekiranya masalah air tidak dapat diselesaikan dalam masa beberapa hari.

"Kami juga melihat ada pam di sungai berkenaan namun air tidak juga sampai ke sawah kami. Inilah masalah kami sabum sim sejak beberapa tahun lalu, sampai bila kami terpaksa berdepan kerugian.

"Justeru, saya menyeru pihak Kada supaya menyelamatkan masalah air secepat mungkin bagi mengelak lebih ramai pesawah berdepan kerugian," katanya.

## MUSIM KEMARAU

### 2,630 pesawah Kelantan terjejas

**Kota Bharu:** Seramai 2,630 pesawah di Kelantan terjejas akibat musim kemarau yang melanda negeri ini, kata Pengurus Lembaga Kemajuan Pertanian Kemubu (Kada), Muhammad Husin.

Beliau berkata, sebahagian besar padi yang diusahakan mereka rosak sejak dua minggu lalu, manakala sebahagian lagi hanya mampu bertahan seminggu sahaja.

Mengulas lanjut, Muhammad berkata, antara usaha jangka pendek Kada adalah menyediakan sejumlah peruntukan bagi pembinaan telaga tiub.

Selain itu, katanya, Kada juga membekalkan *backward pump*, pam mudah alih dan bantuan diesel bagi kegunaan petani di kawasan yang terbatit dengan bencana kemarau.

**"Untuk pesawah terjejas, mereka terpaksa mendapatkan bekalan air menggunakan sumber air dari telaga tiub di bendang"**



RASUL (kiri) bersama Mohd Arif menunjukkan kawasan tali air yang kering akibat cuaca panas menyebabkan tanah padi seluas 200 hektar diusahakan mereka rosak.

# Kerajaan struktur semula industri padi, beras negara

**KUALA LUMPUR** — Kementerian Pertanian dan Keterjaminan Makanan (KPBM) akan memperkenalkan skim baharu bagi menstruktur semula industri padi dan beras tempatan sebagai penyelesaian jangka panjang tidak lama lagi.

Menterinya, Datuk Seri Mohamad Sabu berkata, perincian mengenai skim itu akan diumumkan dalam masa terdekat.

Ini kerana katanya, pada ketika ini, KPBM giat mengadakan sesi libat urus dengan pelbagai pemegang taruh meliputi petani hingga ke persatuan peladang bagi mengumpul maklumat untuk menjayakan skim baharu itu.

"Kita sedang melakukan libat urus secara intensif dengan petani dan persatuan peladang. Semua memberi pandangan masing-masing. Semua itu kita akan umumkan dalam dua tiga hari ini mengenai skim baharu.

"Ini (pelan tindakan) jangka panjang yang lebih kepada penstrukturkan semula industri beras dan padi negara. Semuanya akan kita buat libat urus termasuk dengan Ahli Parlimen supaya semua memberi pandangan kerana ini masalah negara, bukannya parti mana, bukan



**MOHAMAD** menjawab pertanyaan di Dewan Rakyat, Kuala Lumpur semalam. — JABATAN PENERANGAN

masalah kaum," katanya pada Waktu Pertanyaan-Pertanyaan Menteri di Dewan Rakyat di sini semalam.

Beliau menjawab soalan tambahan Datuk Rosol Wahid (**PN-Hulu Terengganu**) yang ingin tahu tindakan luar biasa KPBM bagi menangani isu bekalan beras putih tempatan (BPT) yang sukar diperoleh ketika ini.

Mohamad berkata, polemik akan berterusan jika kerajaan

tidak mencukupkan stok beras negara dan itu sebabnya KPBM merancang tindakan menyusun semula industri beras dan padi negara.

"Pengeluaran BPT hanya 62 peratus beras di Malaysia manakala pihak seperti zakat, kontrak kerajaan, hospital, balai polis, sekolah, asrama dan sebagainya menggunakan BPT menyebabkan untuk edaran tinggal kira-kira 50 peratus.